

召俊公暨德配羅孺人合葬嘉誌銘

公姓楊氏譯召俊字尚賢世居東沙沖 考上青妣戴氏家世忠厚相傳公尤邈恪少時讀書專求樸學然艱於迂合終不售別侶惜之其意豁如也以其學校授鄉里循循善誘成就者多蓋深得古君子育材之遺法者矣居家孝友待裏黨能以恩發相結凡雀鼠爭得其一言輒平晚年贊襄團務共服其公其諸一腳之善士與配羅氏性賢淑佐公勤儉起家訓諸子尤有法戚黨至稱之曰女中君子雲公以嘉慶庚午十五年十月十五日申時生以鹹豐丁巳七年七月二十四日巳時卒孺人以嘉慶庚午十五年四月初四日未時生以光緒壬午八年七月初一日未時卒子二長啓藻次啓庸孫五文椿文樓文梯文彬文楨曾孫明德明義明聲明玉今以光緒戊戌年三月十九日卯時遷其假合葬九都島梅沖石頭城中夷首甲趾庚其嗣啓庸於餘爲故舊交聞其家世頗祥愛謹志之且系之銘曰 懿夫公德抗山門兮相從地下有賢婦兮子子孫孫永無咎兮惟慈貞璿長不朽兮

同邑候選訓導王謝助 頓首拜撰

公元二零二五年乙巳歲春月 重刊

楊公啓潛暨德配羅孺人合葬墓誌銘

公楊姓譯啓潛瀏東東沙沖人也楊姓本東沙望族忠厚相傳世有令德公挺生其間以樸實為社會侶務稼穡敦詩書急人之急憂人之憂於有急難雖昏暮叩門岡不趨赴性戀直地方鼠牙雀角得公一言則渙然怡然以解素慕曾文正公為人不談醫理力行考寶早掃書蔬魚豬外兼不服藥卒以考終德配羅孺人雙江口羅公成香公女挽鹿和熊相助於內鷄予三唱仍傳紡聲時為鄉人所稱道子一名文佳系入繼啓節之次子孫二長明照次明勲一堂孝友和氣露然公生於遜清同治元年壬戌九月初七日酉時歿於民國三十一年壬午秋七月十六日申時享壽八十有一 德配羅孺人生於遜清同治五年丙寅正月初七日寅時歿於光緒三十三年丁未十二月初一日辰時享年四十有二合葬於

東沙神下首祖山地名竹山園首辛趾乙乃孫明照即月臨餘之舊友也述乃祖懿德求墓誌於餘謹敘其大略而為之以銘曰

淮川之東

有山磊石

奇突崢嶸

篤生賢哲

公姿岐嶷

公性剛直

爲山鐘靈

為世效則

古港之西

東沙之陽

乃公雙厝

終焉允藏

時在

瀏陽縣縣長世晚李公達拜撰

公元二零二五年乙巳歲春月 重刊

潤吾公傳

潤吾公評啓庸號德中國學生洞生公之弟尚賢公之仲子上青公之孫也幼則失怙復折左翼隨母居漿田性頗聰敏從師大父及長博通經史善書畫人皆仰之公母羅孺人體弱多病

氣喘言之不出公事母至孝未嘗相離館於家為之奉湯藥福神祇常仰天嘆日願減己年而增母壽後果吉人天相有赤塘德吾先生公之舊交也公母壽晉古稀設悅佳辰筵開四豆適至其家為公母祝壽相告公曰三口王員外家藏沉香服之可愈公如其言即令人覺得一丸服下不時而氣換然以消時公母年七十乃去東沙沖而遷藍家園家雖少有菽水猶堪養其母志壬午七月朔公母遊弱水公亦老矣猶念伯母冰心柏操請旨旌表渤坊後為一族之長兼主團總持正秉公凡事不拘拘為利尚廉讓之風性好善以持齋心存仁術或抄書勸世或舍財放生或閑遊山水或靜坐誦經至老不釋卷迄六十有八死而後已茲乘四修族譜六伯雁稿曬子故敘其大略而為公傳

侄孫明照月臨氏 拜撰

公元二零二五年乙巳歲春月 重刊

啓川公傳

公諱啓川字成周例授登仕郎召美公之長子監生應甲公之孫也誕於遜清道光二十九年己酉九月初十日子時公少好讀書家貧不能負笈棄學爲農克儉克勒朝斯夕斯及長善言語頗有祖風辦理團總莫不稱賢後爲一族之長整理族務無不稱嚴族人未有不循謹者況一家之子孫乎一生公平正直地方鼠牙雀角得公一言則渙然怡然以解公年六秩家頗富有覺田國肯堂構光大門閣恢宏先緒如公者誠可謂完人也公卒以八十有五須發並白其子文郝文乾文嘏文門文政文慎俱叔及其孫明私等皆含淚左右氣喘吁吁猶馨族間子弟多讀費勤耕種少事牌賭毋貪酒利祖業不可侵蝕陰果務宜培植安分守己裕後光前氣息乃止明照不敏奉文門叔之托雖未觀其行不得深悉議錄其一二而為公傳

侄孫明照月臨氏拜撰

公元二零二五年乙巳歲春月 重刊

劉大孺人像贊并序

孺人姓劉氏邑北劉公耀發女吾友文蛟先生之母也誕於遜清同治四年乙丑六月二十一日酉時今年八十有一矣猶步行如飛性柔順和氣穩如也欣欣然有喜色志氣高昂不畏紛煩勤紡績苦抄持繼晷焚齊人皆稱女中君子餘甚慕之故樂而爲贊

贊曰

欽哉孺人 淑慎其身 相夫立業 教子成名

有為有守 克儉克勤 綿綿福壽 懿範長存

世晚周昌教拜撰

公元二零二五年乙巳歲春月 重刊

文楨先生像寶並序

伯父諱文楨字盡臣先堂祖國學生潤吾公之四子也誕於遜清同治十二年癸酉十二月

二十二日子時今年已七十有三矣觀其色赧赧然貌尚童顏養其氣浩浩乎胸懷壯志惟須發白耳亦重聽其爲人也秉性堅剛居心忠孝惡旨酒而節飲食好善言而遠女色講道德說仁義奉父命以持齋遵佛說而行善守先王之法制領先父之遺言行平汙世合乎流俗觀書誦經以自樂清靜貞正以自娛誠可謂光於前而裕於後也予甚慕之就茲四修譜牒故樂而爲之贊

贊曰

雲山蒼蒼	江水湯湯	英氣勃勃	品貌堂堂
居心忠孝	秉性堅剛	先生之風	山高水長

愚侄明照月臨氏拜撰

公元二零二五年乙巳歲春月 重刊

文賢先生像贊並序

澄嘉塘文賢先生東沙沖人也今年五十有六英氣勃勃然勇於有為其為人也秉性堅剛處世溫和尚廉讓之風守忠恕之道非義不交非義不取家頗富有性好善恒為人排難解紛解囊相助無仇不釋有訟必休鄉人皆好之餘忝舊交故述其大略而為之贊

贊曰

抑抑威儀 特正秉正 耕讀為本 勤儉是宗

居心忠孝 待人溫恭 先生之德 廉潔可風

世愚晚湯文生頓首拜撰

公元二零二五年乙巳歲春月 重刊

文佳先生像贊

賦性忠樸 勤謹自奉 接物以和 交友以信

教子義方 鄉間推重 儀貌清奇 耄耄載頌

陳大夫人像贊

溫溫恭人 淑訓其身 相夫教子 克儉克勤

門楣光大 懿範雍雍 玉容慈羈 福壽康寧

先考先妣傳略

世侄記禮波 拜題

公元二零二五年乙巳歲春月 重刊

公諱文嘉由啓節公處而來生母氏古家甚寒微自幼入繼我王考進公是爲進公之子潛公之兼桃子也誕於遜清光緒十五年己醜九月二十五日子時壽七十有二歿於西元一九六零年庚子十一月二十二日未時先妣陳大夫人仙洲湯家沖德泗公女生於望族嫂於寒門誕於光緒十七年辛卯十月初四日寅時壽七十有八歿於西元一九六七年丁未二月三十日卯時先考幼失怙恃為亞父是依無如亞父是時為人傭不得歸熒熒子立形影相弔外無期功強近之親內無應門五尺之童夫妻二人相依爲命竹馬青梅兩小無猜先考天性聰穎大王考在時讀書一年有半頗知禮儀齊家有道力務稼穡與先妣偕魚水之歡灌園食力既而王考相助內外井井有條繩其祖武重整門戶無書無夜不獲少息先妣勤紡績苦操持繼晷焚膏鷄子三唱猶付紡聲幸先考體質結實軀幹魁梧性急心雄勤謹自奉處世謙和待人溫恭春風惠我秋色宜人鄰里族人贊許之及其壯也尚武術從師姑丈有勇力懷壯志先時弟兄二人學生子也先考行季伯考文福公身材面貌無二人多莫能辨惟伯考五歲時一病成啞廢讀家無片瓦寸土終年爲人作嫁衣裳君子固窮非義不取當是時零工無現錢只迂節分期付資以此忘懷得

失先考每隔五天須往祖母家一行代爲筆記黃栗山距東沙沖約五裏縱暴風狂雨無間斯時也先妣生吾弟兄姐妹十人乳哺懷抱捧負提攜呱呱啼哭猶手不停作嗟乎艱苦倍常惜哉不孝年稍長教予讀爲予婚煞費心血幾許每新春臘月祖母祖考等聚話國爐口講指覺爐灰當硯折枝當筆教吾伯考寫授吾伯考認一旦豁然貫通又代借錢穀爲伯考作押金佃孔人田耕牛農具皆先考備全祖母喜而嘆曰今也居之安食無虞皆嘉兒所爲所憂者福兒無子無人繼其後是時恰先妣在孕先考慰之日母耶不用憂今月母孕將產若男若女皆歸兄祖母笑曰天乎祖乎使福兒不乏嗣當生男子人有善願天必佑之後果生吾十弟喜報祖母歡同雀躍此先考之於親可謂盡其孝矣之於兄可謂盡其友矣之於子盡其慈矣如我先考者世上幾何茲族譜之修故謹述其大略而爲先考妣傳俾先考妣之典型永垂不朽矣

男明照 拜撰

公元二零二五年乙巳歲春月 重刊

漿田明義公暨陳夫人傳略

四哥諱明義召俊公之曾孫啓藻公之孫文椿伯之次子也誕於遂清光緒二十三年丁酉三月初二日丑時歿於西元一九七五年乙卯正月二十三日申時享壽七十有九德配陳夫人範市聯興公女誕於遂清光緒二十八年壬寅十月十四日辰時歿於西元一九九二年壬申三月十三日卯時享壽九十有一子三道祿道龍道南道龍因受文機公百里之命不得已而繼明冬明享兄弟女一適黎菊吾孫五德臣德全德祿德才德偉曾孫光榮光華光富光賢光建等三十餘人一堂孝友和氣語如也公弟兄有三公居次初居斗門與兄弟共處分家後偕夫人遷嶽嘴後徙漿田石沖石沖雖祖居破腐不堪門片俱無修葺愛而居矣耕山而食鑿井而飲與夫人共挽鹿車藝圃鋤園兼學做邊炮繼晷焚膏鷄予三唱猶乒乓聲響克儉克勤忍饑受凍操作不稍停與家憑白手好得賢內助家計得長久公幼聰穎欠讀其及長也性急心雄謀猷籌劃自是家稍裕逮祿兄弟長成得有助手家漸小康及其老也老當益壯得善終夫人吾嫂也生於望族壞於寒門混恭報慎甚賢德年雖耄操作如故稍有足疾闖階挺秀環繞膝前祿龍南兄弟事親

至孝有穎考叔老萊子之風孫德臣等晨昏定省滿室春風既發以禮葬於今二老雖逝遺風尚存茲值五修族譜道龍爲出納予回憶當年兄嫂之誼故綴數言爲兄及嫂之傳略並擬之以贊

贊曰

興家憑白手 克儉克勤 灌園食力樂融融 繼暑焚背倍嘗苦 家道乃興 關桂繞庭階
樂也悠哉 子肖孫賢自天來 鄰里鄉黨皆稱羨 夫唱婦隨

弟月臨 謹識

公元二零二五年乙巳歲春月 重刊

道財傳略

道財乃明新兄之子文楓伯之孫啓幸公之曾孫召傑公之玄孫也傑公乃應騰公次子騰公即

清啓公之子道財幼承文楫伯爲孫文楫伯系啓庸公五子承從堂啓人公人公乃召珪公子珪公乃應汶公子汶公系清洲公之子是文楫伯由啓公承洲公裔道財亦由啓公承洲公乃父明新亦麗文楫伯兼桃子也溯本追源知其所自始夫道財與吾竹林稱道財賢侄也幼頗聰慧爲人忠誠隨祖耕作守舊乃因時代變遷爲避兵燹自西自東自南自北賃屋而居後邊漿田得明義兄青眼厚待方得其所自是居仁由義以德爲鄰衣食堪告無虞然財幼時學習文熙叔武術既而又拜啓將公爲師軟硬兼施與道德親猶同出財更能專骨科擲皮接骨只一碗水一口痰不用葉止痛扶原效驗如神近悅遠來不取分文遐邇之民男女老幼未有不沾其澤者及其老也門徒十餘人依依不捨後果得善終歿之日門庭若市鄉黨鄰里相泣中處如喪考妣葬時執紼者塞道呀如財者亦可謂其生也榮其死也哀先時財要盧氏詩道公女有賢德淑慎溫恭佐夫有道教子有方操持家政井井有條主中饋治賓客無中作有鄰里族人未有不稱其德者有子九人命名曰富貴興家福祿悠久餘女二長國英適吳同仁同仁乃吳加保先生曾孫爲古港農技站站長次愛兵適黃先隆一堂孝友雍穆春風德富等均守父母之彝訓家均小康可謂孝

矣亦可謂仁矣月臨誼忝竹林茲譜之修略述數言為道財賢侄夫婦傳略

時在

月臨 謹識

公元二零二五年乙巳歲春月 重刊

文景叔暨孀母葉夫人傳

公諱文景叔父也從堂祖啓燕公諡初先生之次子也先祖妣胡大夫人二老皆康強耄旬而逝公誕於民國元年壬子十一月十二日未時孀母葉夫人誕於民國六年丁巳七月初九日酉時夫人出自邑東沿溪望族幼嫻姆訓習內則淑慎溫恭與景叔共挽鹿車灌園食力相敬如賓甚得翁姑之歡心鄰里稱賢可雲女中君子嗟乎世事若滄海桑田人情似春風秋雨推翻滿清舊朝改革國民新政數十年黨派彼爭我奪國內外戰爭旋息旋興山嶽振動風雲變色人心

惶惶如坐針氈公挺生其間幸而由祖而來累世清白雖家道寒微而耕讀風尚公性聰穎好讀書家貧不能負笈及其壯也善操持運籌帷幄有遠謀志好修園種果頗獲利息置田園植樹木肯堂肯構昌大門閣恢宏先緒雖受時局之影響不改舊日之操作繼晷焚膏不屈不撓事業昭彰典型卓著

公事親至孝得親順親有酒食必先生者饌雖菽水承歡亦堪養其親志親有疾躬親侍藥必先嘗而後進衣不解帶久無怨色親歿祭葬以禮境封馬鬣至於父族伯叔諸兄生事之死葬之無不盡禮墳塋修改必擇地安雖然後止其先祖擁公寢廟奕奕幾遭甲午洪水淹沒及紛岐世道拆毀公千萬百計傾囊保留俾先祖長存辛勞之典望後人毋興拆毀之心公有兄文昇亦善士也玉昆金友華尊相輝其子明優予弟兄輩出自昇叔入為公兒夫婦愛若掌珠教讀婚娶克盡乃職女一蘭英適葉氏出閣妝奩悉備媳李氏華英其名珠江達伍先生之曾孫女克守婦道閨中菌秀也孫道旭道映道旭湖南林業事科學校畢業現任湖南省七寶山硫鐵礦工程師一堂孝友滿室春風公今年來八十有二猶黎明即起昏暮方息赧赧然貌尚童顏欣欣然胸懷

壯志惟酒無量不及亂敏於事而慎於言憶公八旬初度明優念雙親劬勞之恩感二老一生之苦就冬月以敲冰值公誕以設筵筵開四豆酒晉延齡餘尾諸客而晉祝與諸客以投壺光陰迅速轉瞬三年爲公序而未暇積卷軸而不秩茲值五修族諧故不揣固陋言不成文略述數言以爲公序

贊曰

雲山蒼蒼兮 高可仰 井泉涓涓兮 流自長

年登八旬壽而康 子孫逢吉實可望 愈老愈辛薑桂性 由耄耄而期頤兮 再介壽以傾觴

其二

耕讀舊家風 追遠慎終 克儉克勤有誰同 鴻國肇展貽孫子 耀祖光宗

愚侄月臨氏明照 拜撰

公元二零二五年乙巳歲春月 重刊

明富兄暨李夫人夫婦傳略

人之稱滿兒者乃父母愛其子而嬌其名也子呼滿哥者乃從堂祖啓澗公之孫文照伯之子也滿哥諱明富誕於遜清宣統元年己酉八月十五日寅時享壽八十有四歿於西元九九二年壬申八月視九日子時先時先祖妣陳老大君持家勤儉處世溫和修己以敬待人以誠宛如孟德陶賢人稱壺範信若鍾禮郝法共仲賢徽急人之急憂人之憂若錢若穀志在濟困撫危足食足衣從不缺一少二寧願已吃虧只慮人家苦可歌可頌堪仰堪欽先伯考妣亦若是可雲忠厚相傳元配林母洵具丈夫之志惜無壽考之徵育而殤先祖妣常嘆曰何德之衰使滿兒乏嗣林母死弦續李夫人誕於民國八年己未五月二十五日寅時嫺母訓習內則玉容鑷柯懿範雍雍紹先祖妣之遺風不改舊制宜周家之母儀更換新猷富兄始而讀既而耕軀幹魁梧體質結實性急心雄胸懷壯志惜乎大丈夫之不逢時遭兵發之變迂旱魃之災喜琴瑟之調和樂兒女之挺秀雖日貧貧且益堅不知老老當益壯入山樵采不畏苦往縣糶沙不知憂不屈不撓勿怠勿惰精力不倦步履如飛子二道佳道生道佳頗稱聰穎略具文雋乃我鄉巨擘曾為會計輔導及其

壯也廣交遊善籌劃典土木肯堂構光大門關恢宏先緒可雲君子不器孫六德榮德華德富德
貴德萬德年德貴已升中南工業學院即將畢業定可預蔔大有可為曾孫光森光林等家聚二
十餘人一堂孝友滿室春風乃者五修家乘月臨不揣固陋謹述數言以為傳

附像贊二首

展矣君子

其儀不忒

秉性堅剛

心雄性急

克儉克勤

丕承父業

聰聽彝訓

服疇食德

恢宏先緒

有典有則

施爾子孫

綿綿瓜瓞

其二

艱苦昔倍嘗

不棄糟糠

焚青繼晷歷風霜

膝下堂前稱慈孝

儉衽端莊

賦性矢貞堅

誰不稱賢

振振子孫繞膝前

淑慎其身溫且惠

福壽綿綿

月臨 謹識

公元二零二五年乙巳歲春月 重刊

月臨先生傳略

公辨明照字月臨即餘祖姑父文佳老先生之主器也世居瀏邑東沙沖貴族輜元公之苗裔也誕於民國五年丙辰歲十月二十五日辰時自幼聰穎好學尤善書法熟讀四書五經過目能誦爲人公正廉潔光明磊落不樂士進科名秉性剛教身軀魁梧無流俗氣胸襟豁達有古人風事親至孝儼然乎大舜居家勤儉守訓若朱子公常謂人曰欲子孫不爲於下賤非力課以詩書不能否則書香勿替書香勿替而禮發疏禮發疏而人倫綱常全廢緣涉身於教首在荷花古港等地歷任教員次辦族學於貴祠躬親授課既而徙校於大屋矢志矢勤開辟蓮塘小學短經缺資木椿朽板架課桌不辭艱難爲後世學者用心良苦及其老也老當益壯童顏鶴發精神矍鑠仍懸馬融之帳設館授課迄今非但貴族新秀茁起鄉里後學沾澤靡深民國乙酉貴祠四修家乘公任纂修竭城策劃稽考各支世系溯本追源遠涉湘東敦促族人籌辦經費譜牒告成尊祖敬宗昭穆有序公諸父伯母乏嗣躬撫道宏承繼爲其婚娶築室資助傾囊安葬諸父伯母終焉允臧二次設醮荷花心意虔誠祈禱邑東清泰德配鍾大人溫恭淑慎賦性端莊母儀堪誇待

賓客無中作有儼然侃母再世夫妻相敬共挽鹿車相夫教子堪稱內助之賢公有子女四孫輩
八濟濟一堂滿室春風尤可仰者築室爲公考妣之享堂門第光輝此外地方婚喪大典梓裏排
難解紛樂善好施誰不稱賢遠女色惡牌賭僅遵醫嘔不禁酒煙一切善舉筆難盡書餘忝戚誼
凡事登庭問津得公之雨化以開茅塞際茲貴族五修家乘公繼任纂修實祖先之德慶亦後世
之光榮餘以不文之筆書公之大略俾後世子孫倚之爲楷模以垂不朽雲

愚表侄陳定佳敬撰

公元二零二五年乙巳歲春月 重刊

敬錄父親大人自贊及對聯兩首

人說照得好 我說不如神 不敢好不好 只要形象真
幾根瘦骨頭 一個苦出身 清白秉遺訓 佑啓我後人

月穹桂高憑壯志 月園則明風清則暢

臨川筆秀吐奇葩 臨事而懼好謀而成

子滌生 拜錄

公元二零二五年乙巳歲春月 重刊

明孚叔父大人小傳

大人韓明孚吾遷瀏三世祖國彬公之七世孫啓梅公之孫文江公之長子也誕於民國七年己未正月二十二日寅時嬭母晏夫人昇田晏氏也生於望族出自名門有賢德播芳聲昔時彬公遷居瀏北香穀叔父誕生斯地幼頗聰敏家貧未能就學好讀書不恥下問嘗稽古考今忘食廢寢及其壯也時有同姓紹箕先生爲堪輿授業於門得其衣鉢故鄉闔推重戚友威臧鄰里婚喪大節無不來迎往送性贛直執正秉公地方鼠牙雀角一言則怡然而解誠乃當世英雄人皆稱倆老爲賢夫婦耳然香穀者白雲深處也崇山峻嶺茂林修竹峭壁岩岩流水潺潺清幽可賞宛若魔士之居叔父有友人戴繼興孫達義者素交厚往來無間促膝談心三人焉皆慷慨仗義疏財之士鄉人皆好之他如四方賓客擠擠蜂聚或留餐或止宿若孟嘗君然而叔父夙興夜寐克儉克勤鑿井而飲耕田而食齊家以法教子有方覺田園肯堂構誠可風而可頌也今者河

清海晏 大人老當益壯欣欣向榮侄兒德意 活潑天真是文人蔚起可預蔔焉 大人弟兄有七叔居其長當年世道滄桑兵役為患十四歲時避禍祖居東沙沖與父執後父所生視吾祖若生父吾父若胞兄視予猶子也情深誼重紙筆難宣際茲五修家乘謹領父命不揣固陋以雕蟲小技略綴數言為大人之傳雲耳

命下侄滌生 拜撰

公元二零二五年乙巳歲春月 重刊

明梓小史並贊

梓弟文鐸叔子啓化公之孫也先時化公為人公正廉明雖米入學而我保善全團稱一鄉之善士地方鼠牙雀角一言以解鄉人皆好之今其孫梓綽有祖風後先輝映然梓乃貧苦出身

家僅數椽而已父鐸鑿井而飲耕田而食從不非為梓幼頗聰慧惜未多文年稍長善持家操作井井及其壯也有膽略乘時出仕鄉紳為我溪江西湖巨擘堪稱一鄉之善士妻劉氏桂英其名石坳象正公女端莊賢淑鄰里族人未有不稱其德者生子六道修道綸道仁道儀道倍道偉女二小蓮小春小蓮適胡祥建小春適慮陽生孫德疆德強德弘德張德彌道修參軍新疆道倫參軍廣西濟濟一堂蘭階挺秀兒女婚嫁大典盡美盡善新建屋宇四棟雖不因棚楹刻桷亦煥然壯觀俾諸子足可安居及年知天命退職歸田今年來六十有五其母吳大夫人尚在壽八十有七童顏鶴發扶杖悠遊自得至樂每有異味梓必先進母並常觸諸子息事之以禮然梓雖子息衆多猶操作畎畝桂英亦不改昨習尚主中饋戚友之往來賓客之招待賢賢易色操白如故真乃賢夫婦也值此國際 平梓倡修五次族譜東奔西跑未嘗歇息公推為督修茲譜告成故書贊以付於版

贊曰

祖德最恢宏 家道昌隆 白手興家建奇功 公正廉明堪載頌 綽有祖風
佳人實堪奇 錦上添花 賢淑端莊詠宜家 蘭階挺秀人皆羨 懿德可嘉

月臨 敬撰

公元二零二五年乙巳歲春月 重刊

賓先生像贊

玉容講講	品貌堂堂	和顏悅色	謙謹溫良
幼年失怙	零丁孤苦	白手興家	艱苦倍嘗
秉公執正	不飽私囊	齊家有道	教子義方
謝園砥柱	爲祖增光	克勤克儉	典則輝煌

祝君壽考 如陵如崗 雲山蒼蒼 江水湯湯
先生之風 山高水長 宜爾子孫 俾爾娥昌

慶有先生像贊

彼何人斯 湖塘有老 溫恭儉讓 堂堂一表
經術既明 可大可小 泌水樂饑 食無求飽
鄰里鄉黨 仁親為寶 樂水樂山 不屈不撓
伸爾多福 使君壽考 子孫逢吉 一堂友好

公元二零二五年乙巳歲春月 重刊

族晚月臨 敬撰

公元二零二五年乙巳歲春月 重刊

族晚月臨 敬撰

傑成先生像贊

賢哉成也 識時知機 明哲保身 香港是依

東山高臥 泌水樂饑 智能避禍 勇能歸壁

經文偉武 入妙出奇 蹒蹒玉容 抑抑威儀

夫人貞靜 陶孟井齊 齊家有道 處世無遺

祝君壽考 壽考惟祺 宜爾子孫 罄無不宜

玉照旁對聯一首

傑出堪稱題柱者

成全不愧濟川才

族晚月臨 敬撰

公元二零二五年乙巳歲春月 重刊

傑蛟先生像贊

生平好經商 秉性堅剛 運籌決勝有奇方 成家有道克勤儉 千倉萬廩
課讀教兒孫 惜不逢辰 行乎患難不辱身 不屈不撓不降志 磨而不磷
玉照旁對聯一首

獸中之襲人中之傑

天上之龍水上之蛇

族晚月臨 敬撰

公元二零二五年乙巳歲春月 重刊

超然小史並贊

超然與吾兄弟也啓銀公之孫文教叔之子也文教叔於前四修族譜爲校正耐心刻苦先時曾
祖母氏襲白駒名家也善醫嬰兒乃祖傳衣鉢既以衣鉢傳伊祖母及今然妻惠開繼之遐選聞

名超然與吾比屋連居然之爲人也好仁寡言無嗜欲性耿直非禮勿聽善與人交久而敬之齊
家有道教子義方事親至孝墳塋祭奠無失其時鄰里婚喪大節盡力而為鄉人皆好之然妻李
氏惠蘭其名錫貞公女溫恭淑慎相助於內井井有條克勤克儉堪稱女中君子醫嬰兒得祖母
衣鉢仁術也鄉黨費許之生了二道琴道清女二道霞適胡祥禮道慧適周康輝孫三德禧德禎
德枯皆活潑天真滿室春風和氣講如也此皆超然夫婦積德所至予甚慕之欣逢族譜之修公
推超然為會計故述數語以付梓

贊曰

玉容靄講	品行端莊	堂堂一表	秉性堅剛
齊家有道	教子義方	忠心耿耿	不飽私囊
夫人淑慎	貞靜溫良	克勤克儉	佐夫增光
使君壽考	如陵如崗	宜爾子孫	俾娥俾昌

月臨 敬撰

公元二零二五年乙巳歲 重刊

道德小史並贊

道德與吾竹林稱小於吾十歲誕於民國十五年丙寅十二月十二日亥時今年六十有八有子
二德厚德原女三長適李甫文次適李富平三適郵方興孫一光先是爲文選伯之孫明階兄之
長子承明陞又爲明陞之子也其人性耿直有膽略老成諳練有勇力尚武術乃文熙叔之徒雙
受業於啓將公門軟硬兼施能文習禮儀予之門生也鄰里婚喪大節無不協從幫助或贊禮或
主概鄉人皆好之此次修譜公推爲總務盡心篤行不稍懈弛弦譜告成故擬數言以贊之、

贊曰

東沙之陽兮有山磊石 磊山之下兮清流泉出 病夫寄寓兮 潛蹤蝸室 飲且食兮壽而康
無不足兮皆自得 子而孫兮能自發 瓜瓞長綿兮名遺後世維則 月臨 謹識

公元二零二五年乙巳歲 春月 重刊